

**Umiartortut atorfinitsitaasarnerannut pissutsit pillugit inatsimmi Kalaallit Nunaanni naalagaaffigisami nangaanartitanik pillugu atuukkunnaartitsinissamik Naalakkersuisut peqquneqarnissaannik Inatsisartut aalajangiiffigisassaattut siunnersuut.**

(Inatsisartunut ilaasorta q Ane Hansen, Inuit Ataqatigiit)

**Akissuteqaat**

(Inuussutissarsiornermut, Suliffeqarnermut, Niuernermut Nukissiuuteqarnermullu Naalakkersuisoq)

**Aappassaaneerera**

Ataatsimiititaliap sukumiisumik suliaqarsimaneranut Inuussutissarsiornermut Aatsitassanullu Ataatsimiititaliaq Naalakkersuisut sinnerlugit matumuuna qutsavigissavara. Ataatsimiititaliap tassani naqqinneqartumik allannguutissatut siunnersuut saqqummiussimavaa, taassuma umiartortut atorfinitsitaasarnerannut pissutsit pillugit inatsisip atuutsilernissaa pillugu peqqussummut allaqqaakkamik suliaqartoqarnissaq siunertaralugu Danmarkimi naalakkersuisunut Naalakkersuisut saaffiginninnissaannik erseqqissaalluni.

Umiartortut atorfinitsitaasarnerannut pissutsinut naleqqiullugu naalagaaffiup aamma namminersorlutik oqartussat suliassaasa akornanni avissaaqqutit paasiniarlugit suliaq killiffigisaanik ilisimatitsinissaq pillugu ataatsimiititaliaq isumaliutissiisummi Naalakkersuisunut qinnuiginnissimavoq. Suliaq pillugu naalagaaffimmi pisortallu oqaloqateqarneq ingerlanneqareersoq Naalakkersuisut ilisimatitsissutigisinnaavaat. Umiartortut atorfinitsitaasarnerannut pissutsinut naleqqiullugu naalagaaffiup aamma namminersorlutik oqartussat suliassaasa akornanni avissaaqqutit paasiniarlugit suliamik ingerlatitseqqinnissamut Inatsisartunit tapersersuinertut allannguutissatut siunnersuut saqqummiunneqartoq Naalakkersuisut isigaat.

Peqqussutikkut umiartortut atorfinitsitaasarnerannut pissutsit pillugit inatsisiliamik naammassisaqarnerup nassatarissavaa Danmarkimit suliassaqarfinnik namminersorlutik oqartussat tigooraaneri pillugit tigusinissamut nassuiaammik suliamit aallartinneqartumit attuumassuteqartinnagu apeqquq suliarineqarsinnaasoq.

Naalagaaffiup aamma namminersorlutik oqartussat akornanni piginnaasanik agguaaqatigiinneq atuuttoq ataqqillugu tigussaasutigut, allaffissornikkut aningaasaqarnikkullu tunngavigisat manna

tikillugu aammalu sapinngisamik periarfissaqartillugu umiartornermut attuumassuteqartunut suliaasaqarfiit sinnerinut atasuutinneqarnissaannik tapersersuipput.

Tamanna tunngavigalugu Inuussutissarsiornermut Aatsitassanullu Ataatsimiititaliap allannguutissatut siunnersuutaata akuersissutiginnissaa Naalakkersuisut innersuussutigaat.